

广东通志

廣東通志卷十七

甲子重刊

職官表八

元

行中書省

國初有征伐之役皆稱行省中統至元間始分立
行中書省每省丞相一員從一品平章二員從一
品右丞一員左丞一員正二品叅知政事二員從
二品郎中二員從五品員外郎二員從六品都事

二員從七品

元史百官志

至元十五年七月以右丞塔出呂師夔叅知政事
賈居貞行中書省事于贛州福建江西廣東皆隸

廣通志卷十一
焉

元史世祖本紀

行樞密院

國初有征伐之事置行樞密院爲一方一事而設

則稱某處行樞密院

元史百官志

行御史臺

江南諸道行御史臺設官品秩同內臺至元十四年始置江南行御史臺於揚州尋徙杭州又徙江州二十三年遷于建康以監臨東南諸省統制各道憲司而總諸內臺初置大夫中丞侍御史治書侍御史各一員統淮東淮西湖北浙東浙西江東江西湖南八道提刑按察司十五年增江南湖北

嶺南廣西福建廣東三道二十三年以淮東淮西山南三道撥隸內臺三十年增海北海南一道大德元年定爲江南諸道行御史臺設官九員以監江淝江西湖廣三省統江東江西淝東淝西湖南湖北廣東廣西福建海南十道大夫一員中丞二員侍御史二員治書侍御史二員經歷一員都事二員照磨一員架閣庫管勾一員承發管勾兼獄丞一員令史一十六人譯史四人回回掾史通事知印各二人宣使十人典史庫子臺醫各有差同上至元十五年七月壬午行御史臺增設監察御史

四員

元史世祖本紀

江南十道隸江南行臺

元史百官志

至正二十五年閏十月御史大夫完者帖木兒奏江南諸道行御史臺衙門嘗奉旨於紹興路開設近因道梗湖南湖北廣東廣西海北江西福建等處凡有文書北至南臺風信不便徑申內臺未委事情虛實宜於福建各道文書由分臺以達內臺於事體爲便有旨從之

同上

謹按元世祖卽位定內外官制總政務者曰中書省秉兵柄者曰樞密院司黜陟者曰御史臺在外者有行省行臺有宣慰司廉訪司牧民者曰路曰府曰州曰縣以蒙

古人爲其長而南人貳之

宣慰司 宣撫安撫招討等使

宣慰司分道以總郡縣有邊郵軍旅之事則兼都元帥府其次則止爲元帥府其在遠服又有招討

安撫宣撫等使

元史百官志

宣慰使司都元帥府秩從二品使三員同知二員副使二員經歷二員知事二員照磨兼架閣管勾一員

廣州置廣東道

海北海南道

宣撫司秩正三品每司達魯花赤一員宣撫一員

同知副使各二員僉事一員

安撫司秩正三品每司達魯花赤一員安撫使一員同知副使僉事各一員

招討司秩正三品達魯花赤一員招討使一員

肅政廉訪司 提刑按察司

肅政廉訪司國初立提刑按察司四道曰山東東西道曰河東陝西道曰山北東西道曰河北河南道至元六年以提刑按察司兼勸農事八年置河東山西道陝西四川道十二年分置燕南河北道十三年以省併衙門罷按察司十四年復置增立八道曰江北淮東道曰淮西江北道曰山南江北

道曰浙東海右道曰江南浙西道曰江東建康道
曰江西湖東道曰嶺北湖南道十五年復增三道
曰江南湖北道曰嶺南廣西道曰福建廣東道十
九年增西蜀四川道二十年增海北廣東道改福
建廣東道曰福建閩海道以雲南七路置雲南道
以女真之地置海西遼東道二十三年以淮東淮
西山南三道撥隸內臺二十四年增河西隴右道
是年罷雲南道二十五年罷海西遼東道二十七
年以雲南按察司所治立雲南行御史臺二十八
年改按察司曰肅政廉訪司大德元年徙雲南行
臺於陝西復立雲南道三十年增海北海南道其

後遂定爲二十二道每道廉訪使二員正三品副
使二員正四品僉事四員兩廣海南止二員正五
品經歷一員從七品知事一員正八品照磨兼管
勾一員正九品書吏十六人譯史通事各一人奏
差五人典吏二人

海北廣東道廣州路置司

海北海南道雷州路置司

俱同上

至元十五年七月壬午江南湖北道嶺南廣西道

福建廣東道並增設提刑按察司

元史世祖本紀

十九年二月乙巳立廣東按察司

二十年正月壬午改廣東提刑按察司爲海北廣

東道十月戊申各道提刑按察司增設判官二員

二十六年正月戊申徙廣州按察司於韶州

三十年廣東肅政廉訪司復置廣州

俱同上

大德三年十月甲寅復立海北海南道肅政廉訪

使

元史成宗本紀

諸路萬戶府 千戶所 百戶所

各路立萬戶府各縣立千戶所以鎮壓各處而以

宣慰司元帥總之

續通考

儒學提舉司

各處行省所署之地皆置一司統諸路府州縣學校之事每司提舉一員從五品副提舉一員從七

品

元史百官志

鹽課提舉司

廣東鹽課提舉司至元十三年始從廣州煎辦鹽課十六年隸江西鹽鐵茶都轉運司二十二年併入宜慰司二十三年置市舶提舉司大德四年改廣東鹽課提舉司提舉一員從五品同提舉一員從六品副提舉一員從七品其屬附見 鹽場十三所司令一員從七品司丞一員從八品管勾一員從九品

市舶提舉司

市舶提舉司至元二十三年立鹽課市舶提舉司

隸廣東宣慰司三十年立海南博易提舉司至大四年罷之禁下番船隻延祐元年弛其禁改立泉州廣東慶元三市舶提舉司每司提舉二員從五品同提舉二員從六品副提舉二員從七品知事

一員

俱同上

至元三十年四月己亥行大司農燕公楠翰林學士承旨劉夢炎言杭州上海澈浦温州慶元廣東泉州置市舶司凡七所唯泉州物貨三十取三餘皆十五抽一乞以泉州爲定制從之

元史世祖本紀

至元三十一年十月庚申罷海北海南市舶提舉

司

元史成宗本紀

諸路總管府

至元初置二十年定十萬戶之上者爲上路十萬戶之下者爲下路當衝要者雖不及十萬戶亦爲上路上路秩正三品達魯花赤一員總管一員並正三品兼管勸農事同知治中叛官各一員下路秩從三品不置治中員而同知如治中之秩餘悉同上至元二十三年置推官二員下路一員經歷一員知事一員或二員照磨兼承發架閣一員其屬儒學教授一員秩九品學正一員學錄一員其散府上中州亦設教授一員下州設學正一員

元史

百官志

至元二年詔以蒙古人充達魯花赤漢人充總管

回回人充同知永爲定制

續通考

散府

秩正四品達魯花赤一員知府或府尹一員領勸
農事奧魯與路同同知一員判官一員推官一員
所在有隸諸路及宣慰司行省者有直隸省部者
有統州縣者有不統州縣者

元史百官志

諸州

至元三年定一萬五千戶之上者爲上州六千戶
之上者爲中州六千戶之下者爲下州上州達魯
花赤州尹秩從四品同知秩正六品判官秩正七

品中州達魯花赤知州並正五品同知從六品判
官從七品下州達魯花赤知州並從五品同知正
七品判官正八官參佐官上州知事提控案牘各
一員中州吏目提控案牘各一員下州吏目一員
或二員

諸縣

至元三年合併州縣六千戶之上者爲上縣二千
戶之上者爲中縣不及二千戶者爲下縣上縣秩
從六品達魯花赤一員尹一員丞一員簿一員尉
一員典史二員中縣秩正七品不置丞餘悉如上
縣之制下縣秩從七品置官如中縣 巡檢司秩

九品巡檢一員俱同上

庶職

至元二十六年置瀾東江東江西湖廣福建木綿提舉司責民歲輸木綿十萬匹以都提舉司總之

元史世祖本紀

二十八年八月己巳罷江西等處行泉府司大都

甲匠總管府廣州人匠提舉司廣德路錄事司

二十九年正月己酉罷南雄韶州惠州三路錄事

司俱同上

延祐四年十二月丁酉復廣州採金銀珠子都提

舉司秩正四品官三員元史仁宗本紀

七年六月戊午廣東採珠提舉司罷以有司領其

事元史英宗本紀

至順二年二月戊申廣教總管府以掌僧尼之政

九十六所曰江西廣東道秩正三品府設達魯花

赤總管同知府事判官各一員宣政院選留內官

擬注以聞總管則僧爲之元史文宗本紀

至元三年二月庚子中書叅知政事納麟等請立

採珠提舉司先是嘗立提舉司泰定間以其煩擾

罷去至是納麟請復立之且以採珠戶四萬賜伯

顏元史順帝本紀

至元六年二月乙巳罷各處船戶提舉廣東採珠